

23. Ijambo **Ikinyabiziga gifatanije** bivuga: Ikinyabiziga gikomatanye, kimwe ari ikinyabiziga gikurura ikindi ari makuzungu.
24. Ijambo«**Ikinyabiziga gikurura kabiri** » Bivuga ibinyabiziga bikomatanye bikururana Bigizwe n'ikinyabiziga gifatanije kandi kiriho romoroki yacyo;
25. Amagambo **Uburemere bwite n'uburemere bw'ikidapakiye**, bivuga: Uburemere bw'ikinyabiziga kizima n'ibikoresho byacyo ngombwa hatabariwemo abagitwaye, abantu cg Imizigo cyikoreye; gifite karisori kandi cyuzuye lisansi, mazutu cg gazi, Amazi n'amavuta,
25. Ijambo **Uburemere bwikorewe** bivuba: Uburemere bwite bw'ikinyabiziga kizima hongereweho uburemere bw'imizigo cyikoreye,ubw'ugitwaye n'ubw'umuntu wese gitwaye ;
27. Ijambo Uburemere **ntarengwa bwemewe** Bivuga: *Uburemere bugendanwa*; Uburemere bwose ntarengwa bw'ikinyabiziga bwemejwe hakurikijwe ibivugwa muri iri teka n'uburemere ntarengwa bwemewe bw'ibinyabiziga bikomatanye , bw'ikinyabiziga gifatanije cg bw'ikinyabiziga gikururana kabiri,bwitwa nanone **Uburemere bugendanwa**
28. Ijambo **Guhagarara umwanya muto** Bivuga : *Igihe cya ngombwa* ikinyabiziga kimara gihagaze kugirango abantu cg ibintu byinjire cyangwa bisohoke ;
29. Ijambo **Guhagarara umwanya munini** Bivuga: *Igihe kirenze icya ngombwa* ikinyabiziga kimara gihagaze kugirango abantu cg ibintu byinjire cg bisohoke ;
30. Ijambo **Akagarura- rumuri** Bivuga: Akantu karabagirana gasubiza imirasire y'urumuri Ku kintu kiyohereje;
31. Ijambo **Ikinyabiziga ndakumirwa** *Ni ibinyabiziga by'abaporisi , Ibizimya -nkongi* ndetse *n'ibinyabiziga bitwara abarwayi*, iyo bijya aho bigomba gutabara byihutirwa ; kandi bikarangwa n'intabaza irabagirana cg irangurura ijwi ;
32. Ijambo **Amatara y'urugendo (Amatara maremare)** bivuga: Amatara y'ikinyabiziga amurika umuhanda mu ntambwe ndende, imbere y'icyo kinyabiziga ;
33. Ijambo **Amatara yo kubisikana (Amatara magufi)** bivuga: Amatara y'ikinyabiziga amurika inzira nyabagendwa imbere y'icyo kinyabiziga bitagombye guhuma cyangwa kubangamira abayobozi bava mucyerekezo.
34. Ijambo **Amatara ndangambere** Bivuga: Amatara y'ikinyabiziga akiranga, kandi agaragaza ubugari bwacyo burebwe imbere.
35. Ijambo **Amatara ndanganyuma** Bivuga : *Amatara y'ikinyabiziga akiranga*, kandi yerekana ubugari bwacyo burebwe inyuma ;
36. Ijambo **Amatara kamenabihu y'imbere** Bivuga :*Amatara y'ikinyabiziga abonesha neza inzira imbere yacyo* igihe: ¹cy'igihu , ².cy'imvura nyinshi , ³cy'urubura cg ⁴cy'umukungugu .
37. Ijambo **Amatara kamenabihu y'inyuma** Bivuga : *Amatara y'ikinyabiziga akiranga kandi yerekana ubugari bwacyo kirebwe inyuma* igihe: ¹cy'igihu , ².cy'imvura nyinshi , ³cy'urubura cg ⁴cy'umukungugu;